



Perspetiva & elaborasaun pratika hosi JSMP Maiu 2015

Importansia Prezensa PCIC iha Setór Justisa nu'udar Orgaun Auxiliar Administrasaun Justisa ba krime organizadu, modern, grave no kompleksu Projetu Dekretu-Lei no 15 /2014

Uluk liu, agradese ba oportunidade no konvida JSMP partisipa iha seminar importante ida ne'e.

Ha'u hetan oportunidade atu koalia kona-ba "importansia hosi prezensa PSIK iha setór justisa nu'udar orgaun auxiliar iha administrasaun justisa ho kompetensia atu investiga krime organizadu, modernizadu, grave no kompleksu"...

Maske nune'e, dalaruma ha'u hanoin atu la koalia barak liu kona-ba "kestaun importansia hosi prezensa PSIK nian no hare barak liu ba tendesia pratiku.

La iha duvida atu rekonese importansia hosi prezensa PSIK nian iha aspetu balun no iha aspetu balun ne'ebe persiza deskuti. Tanba ne'e, ha'u prefere atu hare deit kona-ba tendensia no nia dezafiu sira ne'e dalaruma bele akontese iha nivel implementasaun ka nivel pratika.

Iha razaun rua:

1. Tanba, ha'u hanoin ministériu justisa ne'ebé inisia estebelementu ba instituisaun ne'e, politikamente mak propriu liu atu koalia kona-ba ida ne'e.

Maske nune'e, normalmente ita refere ba historia prátika politika lejislativu nian, wainhira atu halo lei ka politika (kebijakan ruma) pelumenus politikamente tenke bazeia ba buat ruma ka nesesidade ruma.

Teorikamente ema koalia kona-ba landasan filosofis (baze fiilosofíku), landasan sosiologis (baze sosilójíku) no landasan juridis ka (baze juridíku);

Minimu kestaun tolu ne'e sai hanesan motivasaun politika atu hahu inisia lei ka politika (kebjikan ruma).

2. Segundu, tuir lolos, antes ne'e wainhira Komisaun B Parlamentu Nasional konvida JSMP ba diskuti kona-ba atu estabesementu PSIK ne'e, ami sujere atu diak liu, reforsa deit instituisaun investigasaun kriminal sira ne'ebé eziste ona, purzemplu PNTL nian unidade/departementu investigasuan kriminal ne'ebe iha ona.

Maibé se PN hanoin oinseluk ami sujere atu halo estudu/levamentu klean ida antes halo konkluzau.

Ne'e atu hare no avalia nesiedade, atu avalia nia kontestu no apresia mos buat ne'ebe instituisaun sira halo.

Bazeia ba razaun rua ne'e, sein konsulta ho komisaun organizadora ha'u halo desizaun rasik atu hare ba kestaun prátika sira iha nivel impementasaun.

Hanoin sira ne'e bele konsidera hanesan prezumsaun deit ka espekulasaun deit.

Pelumenus iha buat haat ka lima iha hau nia intervensaun ne'e.

1. Kona-ba importansia hosi PSIK ne'e rasik
2. Kona-ba kestaun nesiedade no kontestu real
3. Kompetensia sira ne'e atribui ba PSIK
4. Kordenasaun institucional
5. Kestaun indepensia institucional

Kona-ba importansia:

Wainhira koalia kona-ba importansia, ha'u hanoin atu koalia kona-ba mos vantajem hosi prezensa PSIK nian.

Klaru katak prezensa polisia sientifika investigasun kriminal ne'e importante iha aspetu balun, liu-liu kuandu ita refere ba krime sira ho **natureza organizadu, modern, grave no kompleksu.**

1). Primeriu, normalmente kuandu ita ko'alia kona-ba krime organizadu, modernu, grave no kompleksu, ita refere ba krime transnaional sira (*transnational crime*), ka kejahatan lintas batas.

Krime sira ne'e ho kategoria ida ne'e dalabarak ema refere ba; krime droga, terorismu, korupsaun, brankamentu kapital, tráfiku umanu, tráfiku arma no krime organizadu sira seluk.

Krime sira ne'e hotu-hotu involve rede sira ne'ebe organizadu no teknolojia modernu/avansadu bainhira ema komete krime sira ne'e.

Tanba ne'e, persiza duni investigador trenadu ho konesementu tékniku ne'ebé espesífiku no apropriadu tuir krime sira ne'e nia natureza, kompleksidade, tren no intensidade. Se lae ita la bele deteta krime sira ne'e bainhira tama mai Timor.

2. Atribuisaun kompetensia ba PSIK nia iha krime balun deit (limitadu), bele asegura katak prosesu investigasaun bele la'o lalais tanba sira nia servisu la kobre krime hotu-hotu maibé fokus ba krime tuir atigu 6 hosi PSIK nian.

3. Wainhira krime sira ne'ebe involve membru polisia prezensa PSIK nian importante atu evita konfliktu interese iha polisia rasik, la iha tendensia protesaun ba korpu institusionál/perlindungan korpu.

4. La iha sentimentu reseiu (segan) ba malu tanba kestaun relasaun emosional entre membru investigador ida ho ida ne'ebe diskonfia komete krime;

5. Buat seluk mak purzemplu tuir lei ne'e sei estabelese laborariu kriminal ho departemenu espesializada sira seluk

Kestaun kona-ba natureza no tendensia real

Bainhira haree ba natureza krime sira ne'ebé atribui ba kompeténsia PSIK, JSMP konklui katak krime sira ne'e maioria raru tebes (sangat jarang) atu akontese.

Ne'e signifika katak: dalaruma iha tinan ida nia-laran **bele la iha kazu ruma**, nune'e la iha investigasaun ruma akontese. Dalaruma bele iha kazu ida-rua, maibé laos barak.

Se ida ne'e akontese, ema sei koalia barak (kestiona) kona-ba produtividade, efisiensia no balansu entre gastus no investimentu Estadu nain vs produtividade PSIK nian.

Ne'e bazei ba pontu-devista JSMP nian tanba kazu sira ne'ebe tama kompetensia PSIK nian pratikamente la iha ka ladun akontese, hanesan krime komun sira seluk.

Imajina se iha tinan ida iha deit kazu haat ka lima mak PSIK konsege investiga no lori ba prosesu. Ne'e mos ita seidauk koalia kona-ba rezultadu investigasaun no konkluziun iha tribunál (ita la koalia kona-ba arkivamentu hosi ministériu públiku se la iha evidensia forte no karik lori duni ba tribunál absolve);

Krime sira ne'ebe tama kompetensia PSIK nian:

Iha artigu 6 Dekretu Lei PSIK-nian, artibui kompetensia ba krime sira hanesan tuir mai ne'e:

- a. Kontra pás no umanidade;
- b). Kontra vida, hamosu doloza ka agravadu, bainhira hahalok ne'e halakon ema ruma nia vida;
- c). *Sekuestru (penculikan) raptu, eskravidaun (perbudakan);*
- d). Tráfiku ba ema, ema-nia órgaun no fa'an ema;

- e). Tortura ka tratamentu kruél, dezagradante ka dezumanu sira seluk;
- f). Agresaun seksuál, esplorasau no abuzu seksuál (ne'e dalabarak akontese maibé ida ne'e mos dalabarak unidade investigasun kriminal sira mak halo ida ne'e)
- g). Violaun ba korrespondénsia ka telekomunikasau sira;
- h). Asosiasau kriminoza
- i). Partisipasaun iha motin armadu;
- j). Tráfiku influensia
- k). Kontra seguransa Estadu nian,
- l). Kontra ambiente
- m). Hasai dadur, halai sai no halo revolta husi dadur sira;
- n.) Kebraba marka, selu no editál sira;
- n). Taka dalan ka halo destruisau ba objetu sira ne'ebé iha podér públiku;
- o). Roubu no inséndiu (perampokan artigu 253 no pembakaran; artigu 263 KP)
- p). Burla agravada, burla informátika no burla informátika agravada;
- q.) Subornu, denegasaun justisa, koasaun kona-ba maji-stradu no halo obstrusaun ba atividade jurisdisionál;
- r). Krime sira ba falsifikasau osan;
- s). Brankeamentu capital no fraude fiskál;
- t). Esplorasau ba jogu ilísita;
- u). Prevarikasau no favoresimentu pesoál;
- v). Simulasaun ba krime no violaun ba segredu justisa;

Krime hirak ne'ebe lista leten iha natureza & situasaun rua;

1. Krime sira ne'e hanesan ha'u dehan ona antes katak ladun ka sangat jarang atu akontese ka dalaruma bele nunka akontese (purzemplu; krime kontra pás no umanidade; Sekuestru, raptu, eskravidaun;
2. Segundu krime balun kategoria simples hela/krime baibain.

Ida ne'e kontariu no la konsisten ho konseitu kona-ba prezensa PSIK hanesan polisia sientifika investigasaun kriminal atu investiga krime grave, organizada no kompleksu sira;

Kestaun kordenasaun institusionál

Ha'u hanoin importante tebes atu konsidera mak kestaun kona-ba kordenasaun servisu institusionál.

Hanesan ita hatene depois PSIK estabese ita iha ona instituisaun/orgaun ne'ebe sei hetan delegasaun kompetensia hos Ministériu Públiku atu halo investigasaun ne'e tolu ka hat. Ne'e mak Unidade Instistigasuan kriminal PNTL, KAK, PSIK rasik no iha kazu balun inklui mos imigrasaun no karik PHDJ iha kazu sira involve violasaun direitu umanus

Dala barak bele iha desintedementu iha nivel kordenasaun, bele dun malu kona-ba kompetensia ka intervensaun entre intituisaun sira ne'e (liu-liu entre unidade investigasaun kriminal PNTL ho PSIK rasik).

Hirak ne'e bele iha potencia atu fo sala ba malu-tanba krime balun ne'e atrbui ba PSIK ne'e krime sira ne'ebe baibain polisia investigasun kriminal halo hela.

Aleinde ne'e, bele iha kompetisaun institusional "dalam arti" kompetisaun ne'ebé la sehat. Bele hadau malu kazu, dun-malu se kazu ne'e rezultadu la diak. Se kompetisaun sehat la iha problema.

Bele mos akontese arogansia institusionál, tanba polisia investigasun kriminal iha PNTL nian, bele reziste atu kopera ho PSIK iha aspetu kordenasaun, tanba tratamentu ba PSIK ne'ebe la hanesan ho investigador sira seluk. Iha *keceburuan* ka sentimentu sira seluk....!

Ne'e kestaun ne'ebé tenke konsidera atu antisipa se wainhira akontese oinsa atu buka maneira aprosimasaun atu rezolve situasuan sira ne'e.

Purzemplu antes ne'e, iha kazu balun ne'ebe akontese entre investigador KAK no Ministériu Públiku. Iha diskusaun informal balun, kolega sira apresenta katak la dun iha kordenasaun diak. Purzemplu atu arkiva kazu ruma sein informaun ba investigador sira hosi KAK, atu hatene tanba sa arkiva kazu ne'e.

Mas ne'e situasaun balun ne'ebe akontese antes Komisariu aktul. Agora ha'u hanoin kordenasaun fasil liu tanba Komisariu husi Ministériu Públiku rasik.

Ha'u mos hanoin tanba Sr. Komisariu PSIK nian, Sr. Hermenegildo mai rasik hosi komando PNTL, tanba ne'e ha'u fiar katak kordenasaun entre unidade investigasun kriminal PNTL ho PSIK sei mamar liu/fasil liu.

Kestaun kona-ba independesia

PSIK eziste ho natureza korpu superior polisia kriminal ne'ebé independente, maibé subordinadu ba irarkia institusionál ministériu justisa nia okos hanesan define iha artigu 2 kona-ba natureza no sede.

Ne'e kestaun ida no bele hamosu pergunta ba públiku. Purzemplu iha kazu sira ne'ebé involve autoridade públiku balun, bele iha tendensia katak politikamente PSIK bele hetan influencia.

Dalaruma defisil atu ema ruma halo investigasun no halo servisu investigasaun sein impedimentu ruma wainhira instituisaun ne'e la independe hosi natureza politika.

Ne'e bele los bele lae, maibé ne'e persepsaun ida. Iha sosiedade ne'ebé deit persepsaun mos iha influencia boot ba asuntu ka situasaun ruma no ita nia sosiedade moris hela ho persepsaun sira ne'e.

Dalaruma prosesu ne'e lao tuir ona regra, prosedimentus hot-hotu ne'ebé aplikavel, maibe sei iha nafatin persepsaun no kokluzaun oioin no ida ne'e iha implikasan ba rezultadu final hosi kazu ida.

Purzemplu, agora dadaun tribunal sira funsiona hela, julga hela kazu bobot sira, julga hela kazu korupsaun sira, maibe sosiedade balun dehan justisa ne'e ba kiik deit boot la lei la kona-ba no sel-seluk tan.

Ne'e persepsaun ida no ita le bele kondena ema sira ne'e nia persepasaun.

Ha'u hanoin ida ne'e mak ha'u nia catatan balun ba asuntu ne'e, no husu deskulpa se ha'u nia intervensaun la hatan ba espetativa komisaun organizador nian **no parabens ba Komisariu Nasional PSIK ho membru tomak.**

Atu hetan informasaun kompletu favor kontaktu:

Luis de Oliveira Sampaio
Diretór ezekutivu JSMP
E-mail : luis@jsmp.minihub.org